
OFFERYNNAU STATUDOL CYMRU

2006 Rhif 1343 (Cy.133)

ADDYSG, CYMRU

**Rheoliadau Cyngor Addysgu Cyffredinol
Cymru (Swyddogaethau) (Diwygio) 2006**

Wedi'u gwneud - - - 16 Mai 2006
Yn dod i rym - - - 31 Mai 2006

Drwy arfer y pwerau a roddwyd i'r Ysgrifennydd Gwladol gan adrannau 3(3D), 4(2)(ba) a (d), 4A, 14(3) a 42(6) a (7) o Ddeddf Addysgu ac Addysg Uwch 1998(1) ac sydd wedi'u breinio bellach yng Nghynulliad Cenedlaethol Cymru(2), ac ar ôl ymgynghori â Chyngor Addysgu Cyffredinol Cymru yn unol ag adran 42(9) o Ddeddf Addysgu ac Addysg Uwch 1998, mae Cynulliad Cenedlaethol Cymru yn gwneud y Rheoliadau canlynol:

Enwi a chychwyn

1. Enw'r Rheoliadau hyn yw Rheoliadau Cyngor Addysgu Cyffredinol Cymru (Swyddogaethau) (Diwygio) 2006 a deuant i rym ar 31 Mai 2006.

Diwygio Rheoliadau Cyngor Addysgu Cyffredinol Cymru (Swyddogaethau) 2000

2. Mae Rheoliadau Cyngor Addysgu Cyffredinol Cymru (Swyddogaethau) 2000(3) yn cael eu diwygio fel a ganlyn—

(a) yn rheoliad 2, yn lle'r diffiniad o “corff priodol” rhodder y canlynol—

“mae i “corff priodol” (“appropriate body”) yr ystyr sydd i'r ymadrodd yn Rheoliadau Addysg (Trefniadau Ymsefydlu ar gyfer Athrawon Ysgol) (Cymru) 2005(4);”;

(b) ar ôl rheoliad 4 mewnosoder y rheoliadau canlynol –

-
- (1) 1998 p.30. Mae adrannau 2 i 7 yn gymwys mewn perthynas â Chyngor Addysgu Cyffredinol Cymru yn rhinwedd adran 9. Mewnosodwyd adrannau 3(3D), 4(2)(ba) a 4A gan baragraffau 3(5), 4(2) a 5 yn y drefn honno o Atodlen 12 i Ddeddf Addysg 2002 (p.32). Diwygiwyd adran 4(3) gan baragraff 77 o Atodlen 21 i Ddeddf Addysg 2002 (p.32.). I weld ystyr "prescribed" a "regulations" gweler adran 43(1).
- (2) Gweler Gorchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) ac adran 211 o Ddeddf Addysg 2002 (p.32).
- (3) O.S. 2000/1979 (Cy. 140) fel y'i diwygiwyd gan O.S. 2001/2496 (Cy.200), O.S. 2004/1741 ac O.S. 2005/69.
- (4) O.S. 2005/1818(Cy.146).

“Addasrwydd i fod yn athro neu'n athrawes

4A.—(1) Nid yw'r Cyngor i gymryd bod unrhyw berson yn addas i fod yn athro neu'n athrawes os yw Cyngor Addysgu Cyffredinol Lloegr wedi gwrthod cais am i'r person gael ei gofrestru a hynny am y rheswm nad oedd Cyngor Addysgu Cyffredinol Lloegr yn fodlon ei fod yn addas i fod yn athro neu'n athrawes o dan adran 3(3B) o Ddeddf 1998⁽⁵⁾.

(2) Rhaid i'r Cyngor gymryd bod unrhyw berson yn addas i fod yn athro neu athrawes os yw Cyngor Addysgu Cyffredinol Lloegr wedi ei gofrestru a bod Cyngor Addysgu Cyffredinol Lloegr ar adeg cofrestru'r person yn fodlon ei fod yn addas i fod yn athro neu'n athrawes o dan adran 3(3B) o Ddeddf 1998.

Hysbysu o'r penderfyniad

4B.—(1) Rhaid i'r Cyngor gyflwyno i'r sawl sy'n gwneud cais am gael ei gofrestru hysbysiad o'i benderfyniad i ganiatáu neu i wrthod y cais.

(2) Os gwrthodir y cais cofrestru, rhaid i'r hysbysiad a gyflwynir o dan baragraff (1) nodi ar ba sail y gwnaed y penderfyniad, ac os sail gwrthod y cais oedd nad oedd y Cyngor yn fodlon bod y ceisydd yn addas i fod yn athro neu'n athrawes rhaid iddo hysbysu'r ceisydd o'i hawl i apelio i'r Uchel Lys yn erbyn y penderfyniad a wnaed, ac o beth yw'r cyfnod o amser ar gyfer gwneud ap 144 l o'r fath.

Apelau

4C. Mae gan unrhyw berson a dramgwyddir gan benderfyniad i wrthod cais am gofrestru a wnaed mewn perthynas ag ef ar y sail nad oedd y Cyngor yn fodlon bod y ceisydd yn addas i fod yn athro neu'n athrawes yr hawl i apelio yn erbyn y penderfyniad i'r Uchel Lys o fewn 28 o ddiwrnodau i'r dyddiad y cyflwynwyd iddo hysbysiad o'r penderfyniad.

Cyflwyno Hysbysiadau

4CH.—(1) Caniateir i hysbysiad y mae'n ofynnol ei gyflwyno i berson o dan reoliad 4B—

- (i) cael ei draddodi i'r person hwnnw'n bersonol; neu
- (ii) cael ei anfon drwy'r post at y person hwnnw i'r cyfeiriad a roddwyd i'r Cyngor gan y person; neu
- (ii) cael ei anfon ato ar ffurf ffacsimili neu bost electronig neu drwy ddull tebyg sy'n caniatáu cynhyrchu dogfen sy'n cynnwys testun yr ohebiaeth, os yw'r person hwnnw'n gwneud cais ysgrifenedig i ddogfennau gael eu cyflwyno iddo drwy'r cyfryw ddull, ac os felly bernir bod y ddogfen wedi'i hanfon pan yw'n dod i law'r person hwnnw ar ffurf ddarllenadwy.

(2) At ddibenion rheoliad 4C cymerir bod hysbysiad o benderfyniad y Cyngor wedi'i gyflwyno i'r person y cafodd yr hysbysiad ei wneud mewn perthynas ag ef—

- (i) os cafodd ei draddodi i'r person hwnnw'n bersonol, ar y diwrnod y cafodd ei draddodi;
- (ii) os cafodd ei anfon at y person hwnnw i'r cyfeiriad a roddodd y person i'r Cyngor, a hynny drwy wasanaeth post sy'n ceisio traddodi dogfennau drwy'r post erbyn y diwrnod gwaith nesaf fan bellaf ym mhob achos neu

(5) Mewnosodwyd adran 3(3B) o Ddeddf 1998 gan baragraff 3(5) o Ddeddf Addysg 2002 (p.32).

yn y mwyafrif o achosion, neu os cafodd ei adael yn y cyfeiriad hwnnw, ar yr ail ddiwrnod ar ôl y diwrnod y'i hanfonwyd neu y'i gadawyd;

(iii) os cafodd ei anfon at y person hwnnw i'r cyfeiriad a roddodd y person i'r Cyngor drwy wasanaeth post ac eithrio un sy'n ceisio traddodi dogfennau drwy'r post erbyn y diwrnod gwaith nesaf fan bellaf ym mhob achos neu yn y mwyafrif o achosion, ar y pedwerydd diwrnod ar ôl y diwrnod y'i hanfonwyd; neu

(iv) os y'i cyflwynwyd yn unol â chais o dan baragraff (1)(iii), ar yr ail ddiwrnod ar ôl y diwrnod y'i hanfonwyd.”; ac

(c) yn Atodlen 1, o flaen paragraff 1 mewnosoder–

“(A1) Os yw'r person wedi'i gofrestru ar neu ar ôl 31 Mai, y dyddiad y cafodd ei gofrestru.”;

(ch) yn Atodlen 2, mewnosoder ar ddiwedd paragraff 1 y geiriau “ac, os yw'r athro wedi'i gofrestru, y dyddiad y cafodd ei gofrestru”; a

(d) ar ôl paragraff 11 o Atodlen 2 mewnosoder y paragraff canlynol–

“**11A.** Os yw person wedi ei gael yn anghymwys i gael ei gofrestru yn unol ag adran 3(3B) o Ddeddf 1998, y ffaith honno ac, os rhoddir yr wybodaeth honno i Gyngor Addysgu Cyffredinol yr Alban neu i Gyngor Addysgu Cyffredinol Gogledd Iwerddon (ond nid fel arall), fanylion ynghylch sail y penderfyniad i wrthod cais y person am gael ei gofrestru.”.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(6).

116 Mai 2006

D. Elis-Thomas
Llywydd y Cynulliad Cenedlaethol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

EXPLANATORY NOTE

(Nid yw'r nodyn hwn yn rhan o'r Rheoliadau)

Mae Deddf Addysg 2002 yn cyflwyno gofyniad am i Gyngor Addysgu Cyffredinol Cymru (“y Cyngor”) benderfynu a yw'r sawl sy'n gwneud cais am gael ei gofrestru gyda'r Cyngor yn addas i fod yn athro neu'n athrawes.

Mae'r Rheoliadau hyn yn gwneud diwygiadau i Reoliadau Cyngor Addysgu Cyffredinol Cymru (Swyddogaethau) 2000 (“Rheoliadau 2000”) sydd yn ddiwygiadau a wneir yn bennaf yn sgil y gofyniad newydd hwn. Maent yn darparu ar gyfer cymhwyso gan y Cyngor benderfyniadau Cyngor Addysgu Cyffredinol Lloegr mewn perthynas â pha mor addas yw person i fod yn athro neu athrawes. Maent yn ei gwneud yn ofynnol i'r Cyngor anfon at bob un sy'n gwneud cais am gael ei gofrestru hysbysiad o benderfyniad y Cyngor i gofrestru'r ceisydd neu i beidio â'i gofrestru. Os yw'r Cyngor yn gwrthod cofrestru ceisydd, bydd yr hysbysiad yn esbonio sail y penderfyniad a'r hawl i apelio. Mae'r diwygiadau yn rhoi hawl i apelio i'r Uchel Lys i unrhyw berson y gwrthodwyd ei gofrestru ar sail addasrwydd. Mae'r diwygiadau hefyd yn darparu ar gyfer rhoi i gyflogwyr ac i Gyngor Addysgu Cyffredinol yr Alban a Chyngor Addysgu Cyffredinol Gogledd Iwerddon wybodaeth ynghylch penderfyniadau ar addasrwydd. Bydd yr wybodaeth yn cynnwys ym mha le y mae'r person wedi'i gofrestru, y dyddiad y'i cofrestrwyd (sef y dyddiad y penderfynodd y Cyngor fod y person yn addas i fod yn athro neu'n athrawes), os bydd y Cyngor yn penderfynu nad oedd yn berson addas, y ffaith honno, ac os rhoddir yr wybodaeth i Gyngor Addysgu Cyffredinol yr Alban a Chyngor Addysgu Cyffredinol Gogledd Iwerddon, fanylion ynghylch sail y penderfyniad.

Dim ond diweddarau'r cyfeiriad at y rheoliadau sy'n diffinio “corff priodol” sef y rheoliadau a adwaenir bellach fel Rheoliadau Addysg (Trefniadau Ymsefydlu ar gyfer Athrawon Ysgol) (Cymru) 2005 a wna'r diwygiad a wneir (gan reoliad 2(a)) i reoliad 2 o Reoliadau 2000.